

# UPUTSTVO ZA PACIJENTA

## Prije upotrebe pažljivo pročitate ovo uputstvo!

Uputstvo sačuvajte. Možda ćete željeti ponovo da ga pročitate. Ako imate dodatnih pitanja, obratite se svom ljekaru ili farmaceutu. Ovaj lijek je propisan lično Vama i ne smijete ga dati drugome. Drugome ovaj lijek može da škodi, čak i ako ima znake bolesti slične Vašima. Ako primijetite bilo koje neželjeno djelovanje, potrebno je obavijestiti ljekara ili farmaceuta.

**HYPERIL PLUS® tablete (10+12,5) mg**  
**HYPERIL PLUS® tablete (20+12,5) mg**  
**HYPERIL PLUS® tablete (20+25) mg**  
Lizinopril + Hidrohlorotiazid

### Sadržaj uputstva:

1. Šta je **HYPERIL PLUS®** i za šta se koristi?
2. Prije nego počnete uzimati **HYPERIL PLUS®**
3. Kako uzimati **HYPERIL PLUS®** ?
4. Moguća neželjena djelovanja?
5. Kako čuvati **HYPERIL PLUS®** ?
6. Dodatne informacije

#### 1. Šta je **HYPERIL PLUS®** i za šta se koristi?

**HYPERIL PLUS®** se primjenjuje za liječenje visokog krvnog pritiska (hipertenzije). **HYPERIL PLUS®** sadrži dvije aktivne supstance koje se zovu lizinopril i hidrohlorotiazid. Lizinopril pripada grupi lijekova koji se zovu ACE inhibitori. On djeluje tako što širi Vaše krvne sudove. Hidrohlorotiazid pripada grupi lijekova koji se zovu diuretici (tablete za izmokranje). On pomaže Vašem organizmu da se putem mokraće oslobodi od vode i soli, poput natrija. Ove dvije supstance djeluju zajedno da snize Vaš krvni pritisak.

#### 2. Prije nego počnete uzimati **HYPERIL PLUS®**

##### Nemojte uzimati **HYPERIL PLUS®**

- ako ste alergični (preosjetljivi) na lizinopril ili hidrohlorotiazid, ili na bilo koji drugi sastojak lijeka **HYPERIL PLUS®** (sastojci su navedeni u dijelu 6. Dodatne informacije)
- ako ste alergični na lijekove iz grupe ACE inhibitora ili sulfonamida. Ukoliko niste sigurni da li se ovo odnosi na Vas, molimo Vas posavjetujte se sa Vašim ljekarom.
- ako su Vam ikad ranije iznenada otekale šake, stopala, gležnjevi, lice, usne, jezik ili grlo, posebno ako se to dogodilo uz terapiju s ACE inhibitorima. Također, možda ste imali i poteškoće kod gutanja ili disanja.
- ako imate nasljedni (hereditarni) angioedem (stanje koje Vas čini sklonijim prethodno opisanom oticanju). Ukoliko niste sigurni da li se ovo odnosi na Vas, molimo Vas posavjetujte se sa Vašim ljekarom.
- ako imate ozbiljne probleme s bubrežima
- ako ste prestali da mokrite
- ako imate ozbiljne probleme s jetrom
- ako ste trudni više od 3 mjeseca, također treba izbjegavati primjenu lijeka **HYPERIL PLUS®** u ranoj trudnoći (pogledajte dio "Trudnoća i dojenje")

Ne primjenjujte **HYPERIL PLUS®** ukoliko se bilo šta od prethodno navedenog odnosi na Vas. Ukoliko niste sigurni, obratite se Vašem ljekarom ili farmaceutu prije primjene lijeka **HYPERIL PLUS®**

##### Budite oprezni s lijekom **HYPERIL PLUS®**

Prije početka primjene lijeka **HYPERIL PLUS®**, provjerite sa Vašim ljekarom ili farmaceutom, ukoliko:

- imate suženje (stenozu) aorte (arterija u Vašem srcu) ili bubrežne arterije
- imate zadržavanje srčanog mišića (poznato kao hipertrofična kardiomiopatija)
- imate probleme s Vašim krvnim sudovima (kolgenska vaskularna bolest)
- imate nizak krvni pritisak. Vi to možete primijetiti kao omanjlenost ili omaglicu, posebno kod ustajanja
- imate probleme s bubrežima, idete na dijalizu, ili imate presađen bubreg
- imate probleme s jetrom
- imate šećernu bolest (dijabetes)
- ste nedavno imali proljev ili povraćanje
- Vam je Vaš ljekar rekao da kontrolišete količinu soli u Vašoj ishrani
- imate visoke nivoe holesterola, i ako ste na tretmanu koji se zove "LDL afereza"
- ste ikad imali stanje koje se zove sistemski lupus eritematozus (SLE)
- pripadate crnoj rasi, jer u tom slučaju **HYPERIL PLUS®** može biti manje efikasan. Također se u Vas može lakše javiti neželjeni efekat "angioedem" (teška alergijska reakcija praćena oticanjem šaka, stopala, gležnjeva, lica, usana, jezika ili grla)
- ako primjenjujete bilo koji od lijekova navedenih u nastavku, koji se koriste za liječenje visokog krvnog pritiska:
  - blokator angiotenzin II receptora (ARB) (nazivaju se i sartanima – npr. valsartan, telmisartan, irbesartan), naročito ako imate bubrežne tegobe povezane sa tešim boljšću - aliskiren.
- Ljekar Vam može provjeriti bubrežnu funkciju, krvni pritisak i količinu elektrolita (npr. kalija) u krvi u redovnim intervalima. Vidjeti, također, informacije pod naslovom "Nemojte uzimati **HYPERIL PLUS®** ."

Vi morate obavijestiti Vašeg ljekara ako mislite da ste trudni, ili planirate trudnoću.

**HYPERIL PLUS®** se ne preporučuje u ranoj trudnoći, a ne smijete ga primijeniti ako ste trudni više od tri mjeseca, jer lijek može ozbiljno naškoditi Vašoj bebi kada se primjenjuje u tom periodu (pogledajte dio "Trudnoća i dojenje").

Ako niste sigurni da li se nešto od prethodno navedenog odnosi na Vas, posavjetujte se sa Vašim ljekarom ili farmaceutom, prije nego što primijenite **HYPERIL PLUS®** .

##### Tretman zbog alergije, kao što je alergija na ubode insekata

Obavijestite Vašeg ljekara ako idete, ili trebate ići na tretman za smanjenje efekata alergije, poput alergije na ubode insekata (tretman desenzitizacije). Ako primjenjujete **HYPERIL PLUS®**, a podvrgnuti ste ovom tretmanu, to može izazvati tešku alergijsku reakciju.

##### Operacije

Ako trebate ići na operaciju (uključujući i stomatološke hirurške zahvate), obavijestite Vašeg ljekara ili stomatologa da primjenjujete **HYPERIL PLUS®** . Ovo je važno, jer se u Vas može javiti nizak krvni pritisak (hipotenzija), ako Vam se daju određeni lokalni ili opći anestetici za

vrjeme primjene lijeka **HYPERIL PLUS®** (npr. na ubod ose ili pčele), međutim, ponekad može biti uzrokom jače alergijske reakcije ukoliko se tokom tog postupka primjenjuje neki lijek iz skupine ACE-inhibitora.

##### Uzimanje drugih lijekova s lijekom **HYPERIL PLUS®**

Imajte u vidu da se ove informacije mogu odnositi i na lijekove koje više ne primjenjujete, kao i na lijekove koje planirate da primjenjujete u budućnosti. Obavijestite Vašeg ljekara ako primjenjujete, ili ste nedavno primjenjivali neki drugi lijek, uključujući i lijek koji se nabavlja bez ljekarskog recepta.

Obavijestite Vašeg ljekara ili farmaceuta, posebno ukoliko primjenjujete bilo koji od sljedećih lijekova:

- druge lijekove za snižavanje krvnog pritiska
- diuretike (tablete za izmokranje)
- nesteroidne protuupalne lijekove, poput indometacina koji se primjenjuje u terapiji bola i artritisa
- lijekove za depresiju (triciklični i tetraciklični antidepresivi)
- lijekove za mentalne probleme, uključujući i litij acetilsalicilnu kiselinu, u slučaju da primjenjujete više od 3 grama svaki dan lijekove koji povećavaju količinu kalija u krvi, kao što su dodaci kalija, diuretici koji štete kalij, ili zamjene za so koje sadrže kalij
- soli kalcija
- inzulin ili lijekove za šećernu bolest koji se uzimaju na usta (oralno)
- lijekove u terapiji astme
- lijekove protiv začepljenosti nosa ili sinusa, ili druge lijekove protiv prehlade (uključujući i one koje možete kupiti bez recepta)
- lijekove koji suzbijaju imunološki odgovor organizma (imunosupresivi, kao što je ciklosporin)
- alopurinol (u terapiji gihta)
- lijekove u terapiji nepravilnog srčanog ritma (kao što je prokainamid)
- srčane glikozide (za liječenje zatajenja srca)
- lijekove sa sadržajem zlata (kao što je natrij aurotiomalat) koji Vam se mogu dati u obliku injekcije
- amfotericin B injekcije (za liječenje gljivičnih infekcija)
- karbenoksolon (za liječenje čireva ili upale u području ždrijela, te unutar i oko usta)
- kortikosteroide (steroidni lijekovi)
- kortikotropin (hormon)
- Lijekove u terapiji zatvora stolice (stimulativni laksativi)
- holestiramin i holestipol (za snižavanje holesterola, sprečavanje proljeva, ili smanjenje svrbeža)
- mišićne relaksanse (lijekovi koji opuštaju mišiće), kao što je tubokurarin
- trimetilprom (antibiotik)
- sotalol (beta-blokator)
- lovastatin (za snižavanje holesterola)
- dekstran sulfat (primjenjuje se u tretmanu koji se zove "LDL afereza", a koji se sprovodi za snižavanje holesterola)
- lijekove u terapiji raka (hemoterapija/citostatici)
- druge lijekove za koje se zna da ispoljavaju efekat na srce koji se zove torsades de pointes

Ljekar će Vam možda morati promijeniti dozu i/ili poduzeti druge mjere opreza:

- ako primjenjujete neki blokator angiotenzin II receptora (ARB) ili aliskiren (vidjeti, također, informacije pod naslovima "Nemojte uzimati **HYPERIL PLUS®** tablete" i "Budite oprezni sa lijekom **HYPERIL PLUS®**").

##### Uzimanje hrane i pića sa lijekom **HYPERIL PLUS®**

• Izbjegavajte istovremenu primjenu lijeka i alkohola, jer alkohol pojačava djelovanje **HYPERIL PLUS®** tableta. Hrana nema nikakvog uticaja na primjenu lijeka **HYPERIL PLUS®**.

##### Trudnoća i dojenje

Prije nego što počnete da primjenjujete neki lijek, posavjetujte se sa Vašim ljekarom ili farmaceutom.

Vi morate obavijestiti Vašeg ljekara ako mislite da ste trudni (ili planirate trudnoću). Vaš ljekar će Vas svakako posavjetovati da prestanete s primjenom lijeka **HYPERIL PLUS®** prije nego što zatrudnite, ili čim saznate da ste trudni, te da umjesto lijeka **HYPERIL PLUS®** primijenite drugi lijek.

**HYPERIL PLUS®** se ne preporučuje u ranoj trudnoći, a ne smijete ga primijeniti ako ste trudni više od tri mjeseca, jer može ozbiljno naškoditi Vašoj bebi, ako je primijenjen nakon trećeg mjeseca trudnoće.

Obavijestite Vašeg ljekara ako ste dojilja ili ćete uskoro započeti s dojenjem. **HYPERIL PLUS®** se ne preporučuje u majki koje doje. Vaš ljekar će možda, umjesto lijeka **HYPERIL PLUS®**, odabrati drugu terapiju za Vas, naročito ako je Vaša beba novorođenče, ili je rođena prije termina (nedonošče).

##### Upravljanje vozilima i mašinama

Ovaj lijek može imati uticaj na Vašu sposobnost upravljanja motornim vozilom ili rukovanja mašinama, posebno na početku liječenja, kada se doza prilagođava, ili ako se primjenjuje u kombinaciji s alkoholom. Ako se ovo dogodi Vama, nemojte voziti ili koristiti bilo kakve alate ili mašine.

Morate sačekati da se uvjerite kako ovaj lijek utiče na Vas, prije nego pokušate s ovim aktivnostima.

##### Ostala upozorenja

Lijek **HYPERIL PLUS** sadrži manitol, koji može imati blago laksativno djelovanje.

#### 3. Kako uzimati **HYPERIL PLUS®**?

Lijek primijenite prema priloženom uputstvu. Ako mislite da je djelovanje lijeka prejako ili preslabo, posavjetujte se sa Vašim ljekarom ili farmaceutom.

Jednom, pošto ste započeli s primjenom lijeka **HYPERIL PLUS®**, Vaš ljekar će možda od Vas tražiti da uradite krvne testove. Vaš ljekar će nakon toga možda prilagoditi Vašu dozu, tako da primete tačno onoliko lijeka **HYPERIL PLUS®** koliko Vam najbolje odgovara.

##### Način primjene

*Opšte napomene*

**Progutajte tabletu s čašom vode.**

Pokušajte lijek primjenjivati svaki dan u isto vrijeme. Nije bitno da li ćete lijek uzeti prije ili nakon hrane (obroka).  
Lijek **HYPERIL PLUS®** primjenjujte onoliko dugo koliko Vam Vaš ljekar preporuča, radi se o dugotrajnom liječenju. Važno je da lijek primjenjujete svaki dan.

#### Primjena prve doze

Budite posebno pažljivi kod primjene prve doze lijeka, ili kad trebate primijeniti dozu lijeka koja je povećana. Tada može doći do većeg pada krvnog pritiska nego prilikom primjene kasnijih doza. Možete osjetiti omamljenost ili omaglicu. Ako se to dogodi, može Vam pomoći ako legnete. Ako ste zabrinuti, molimo Vas posavjetujte se sa Vašim ljekarom što je prije moguće.

#### Doziranje

##### Odrasli

Uobičajena doza je jedna tableta, jedanput na dan. Vaš ljekar će propisati jačinu tablete koja Vam odgovara.

Ako je to potrebno, Vaš ljekar može povećati Vašu dozu na dvije tablete, jedanput na dan.

##### Djeca

**HYPERIL PLUS®** se ne preporučuje za primjenu u djece.

#### Ako uzmete više lijeka HYPERIL PLUS® nego što ste trebali

Ako ste primijenili više lijeka **HYPERIL PLUS®** nego što Vam je propisao Vaš ljekar, odmah se obratite ljekarju ili najbližoj zdravstvenoj ustanovi za pomoć. Ponesite sa sobom pakovanje lijeka radi identifikacije tableta koje ste uzeli.

#### Ako ste zaboravili uzeti lijek HYPERIL PLUS®

Ukoliko ste lijek zaboravili primijeniti, učinite to čim prije sa sjetite. Međutim, ako se bliži vrijeme za sljedeću dozu, preskočite propuštenu dozu. Ne primjenjujte dvostruku dozu lijeka da bi nadoknadili dozu koju ste zaboravili primijeniti.

#### Ako prestanete uzimati lijek HYPERIL PLUS®

Ovaj lijek primjenjujte onoliko dugo koliko Vam je propisao ljekar.

Nemojte prestati s primjenom lijeka **HYPERIL PLUS®**, čak i ako se osjećate bolje, osim u slučaju da Vam to odredi Vaš ljekar.

Ako imate bilo kakvih dodatnih pitanja o primjeni ovog lijeka, obratite se Vašem ljekarju ili farmaceutu.

#### 4. Moguća neželjena djelovanja

**HYPERIL PLUS®**, kao i drugi lijekovi, može uzrokovati neželjena djelovanja, mada se ona ne moraju ispoljiti u svih.

**HYPERIL PLUS®** sadrži dvije aktivne supstance: lizinopril i hidrohlorotiazid. U daljnjem tekstu su navedena neželjena djelovanja uočena uz pojedinačnu primjenu ova dva lijeka. To znači da se ista neželjena djelovanja mogu javiti i uz primjenu lijeka **HYPERIL PLUS®**.

Vaš ljekar će Vas možda povremeno uputiti da uradite krvne testove, kako bi provjerio da li lijek **HYPERIL PLUS®** utiče na Vašu krv.

#### Moguća neželjena djelovanja lizinopрила

##### Teške alergijske reakcije (rjetko, javljaju se u manje od 1 na 1.000 osoba)

Ako imate tešku alergijsku reakciju, prestanite primjenjivati **HYPERIL PLUS®** i odmah se javite ljekarju. Simptomi teške alergijske reakcije mogu uključivati iznenadnu pojavu:

- oticanja lica, usana, jezika ili grla, što može otežati gutanje
- teškog ili nenadanog oticanja šaka, stopala ili gležnjeva
- otežanog disanja
- teškog svrbeža kože, praćenog uzdignutim kvržicama na koži

##### Teški problemi s jetrom (veoma rjetko, javljaju se u manje od 1 na 10.000 osoba)

Simptomi ovoga mogu uključivati:

- žutilo kože ili očiju, tamno obojenu mokraću ili gubitak apetita.
- Ako se ovo dogodi Vama, odmah se javite ljekarju.

#### Ostala moguća neželjena djelovanja

##### Česta (javljaju se u manje od 1 na 10 osoba):

- glavobolja • omamljenost ili omaglica, posebno pri naglom ustajanju • nesvjestica • proljev • povraćanje • kašalj • problemi s bubrežima (pokazuju se kroz nalaze krvi)

##### Povremena (javljaju se u manje od 1 na 100 osoba):

- promjene raspoloženja, uključujući i osjećaj depresije • osjećaj trnaca, bockanja
- vrtoglavica • promjene čula okusa • poteškoće sa spavanjem • srčani ili moždani udar
- smetnje srčanog ritma • promjene boje prstiju na rukama ili nogama • curenje nosa
- mučnina • bol u stomaku i loše varenje • promjene u krvnim testovima kojima se određuje funkcija jetre • kožni osip • svrbež kože • nemogućnost ostvarenja erekcije (impotencija)
- osjećaj slabosti • osjećaj umora • povećani nivoi nekih supstanci u Vašoj krvi (urea, kreatinin ili kalij)

##### Rijetka (javljaju se u manje od 1 na 1.000 osoba):

- promjene pojedinih ćelija ili nekih drugih dijelova Vaše krvi. Znaci ovoga mogu biti osjećaj umora i blijeda koža
- osjećaj smetenosti (smušenost) • poremećaji čula mirisa • suha usta • osip na koži s tamocrvenim ispuštenjima, koja svrbe (kopirivnjača) • opadanje kose (alopecija)
- psorijaza (kožni problem) • infekcija krvi • zatajenje bubrega • povećanje dojki u muškaraca • nizak nivo natrija u krvi, što može uzrokovati slabost, umor, glavobolju, mučninu, povraćanje i grčeve

##### Veoma rijetka (javljaju se u manje od 1 na 10.000 osoba):

- problemi s koštanom srži, ili smanjen broj krvnih ćelija i/ili trombocita (krvnih pločica) u Vašoj krvi. Možete primijetiti umor, infekciju (koja može biti ozbiljna), groznicu, nedostatak daha, ili lakše nastajanje modrica ili krvarenje • otečene žlijezde (limfni čvorovi) • povećan imunološki odgovor (autoimuna bolest) • nizak nivo šećera u Vašoj krvi (hipoglikemija). Simptomi mogu uključivati osjećaj gladi ili slabosti, znojenje, te ubrzan srčani ritam
- iznenadni osjećaj kratkoće daha, koji može pratiti zviždanje/sviranje u prsima (bronhospasam); • upala pluća (što možete osjetiti kao da ste bez daha)
- upala sinusa (osjećaj bola i punoće u području iza Vaših obraza ili očiju) eozinofilna pneumonija (upala pluća). Simptomi uključuju kombinaciju sljedećih: sinusitis, osjećaj kao da imate grip, osjećaj da sve više nemate daha, bol u predjelu želuca ili crijeva, kožni osip, osjećaj trnaca poput bockanja iglicama ili utrnulosti ruku i nogu

- upala gušterače. Ovo izaziva umjeren do jak bol u stomaku oticanje sluznice crijeva. To može uzrokovati iznenadni bol u stomaku, proljev ili povraćanje znojenje teški kožni poremećaj ili osip. Simptomi uključuju crvenilo kože, plikove (mjehurove) ili ljuštenje kože koji se mogu razvijati brzo, a mogu biti praćeni s plikovima u ustima i nosu smanjeno mokrenje ili prestanak mokrenja

#### Moguća neželjena djelovanja hidrohlorotiazida

Neželjena djelovanja čija učestalost nije poznata:

- upala pljuvačnih žlijezda • smanjen broj krvnih ćelija i/ili trombocita (krvnih pločica) u Vašoj krvi. Možete primijetiti umor, infekciju (koja može biti ozbiljna), groznicu, nedostatak daha, ili lakše nastajanje modrica ili krvarenja • gubitak apetita • povećanje količine šećera (glukoze) u Vašoj krvi • pojava šećera u Vašoj mokraći • povećana količina mokraćne kiseline u Vašoj krvi • promijenjeni nivoi supstanci u Vašoj krvi (npr. nizak nivo natrija i kalija). Možete osjetiti mišićnu slabost, žeđ, trnce, grčeve ili mučninu.
- visoki nivoi masnoća u Vašoj krvi (uključujući i kolesterol) • osjećaj nemira • depresija
- poteškoće sa spavanjem • osjećaj poput bockanja iglicama (trnci) • omaglica
- poremećaj vida pri kojem sve izgleda žuto • kratkotrajni problemi s vidom
- jak bol u oku, praćen crvenilom i iznenadnim zamućenjem vida. Ako Vam se iznenada pojavi bol i crvenilo oka, odmah se obratite Vašem ljekarju. Možda ćete trebati liječenje da biste izbjegli trajni gubitak vida. • vrtoglavica (osjećaj da se sve vrti oko Vas) • osjećaj da ćete se onesvijestiti (posebno pri ustajanju)
- oštećenje krvnih sudova koje uzrokuje crvene ili purpurne tačke/mrlje po koži otežano disanje. Možda Vam se javi osjećaj kao da nemate daha u plućima, što može nastati usljed upale pluća ili nakupljanja tečnosti u plućima. • nadražnost želuca • proljev
- zatvor stolice • upala gušterače. Ovo izaziva umjeren do jak bol u stomaku.
- žutilo kože ili bjeloočnica Vaših očiju (žutica)
- problemi s kožom uključujući osip, osip izazvan osjetljivošću na sunčevu svjetlost, težak osip uz plikove (mjehurove) ili ljuštenje kože koji se mogu razvijati brzo, a mogu biti praćeni s plikovima u ustima, pogoršanje postojećih reakcija sličnih lupus eritematosu ili pojavu neobičnih kožnih reakcija
- alergijske reakcije • grčevi i slabost mišića • problemi s bubrežima, koji mogu biti ozbiljni (pokažu se kroz krvne testove) • groznica • slabost

Nemojte da se brinete zbog ove liste neželjenih djelovanja. U Vas se možda neće ispoljiti ni jedno od njih.

Ako bilo koje od navedenih neželjenih djelovanja postane ozbiljno, ili primijetite neželjeno djelovanje koje nije navedeno u ovom uputstvu, molimo Vas o tome obavijestite Vašeg ljekara ili farmaceuta.

#### Prijavlivanje sumnje na neželjena djelovanja lijeka

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

#### 5. Kako čuvati HYPERIL PLUS®?

**HYPERIL PLUS®** morate čuvati izvan dohvata i pogleda djece.

Čuvati na temperaturi do 25 °C u originalnom pakovanju.

**Rok trajanja: 3 godine**

**HYPERIL PLUS®** tablete se ne smiju upotrijebiti nakon isteka roka upotrebe navedenog na pakovanju.

Rok upotrebe na pakovanju odnosi se na zadnji dan navedenog mjeseca.

#### 6. Dodatne informacije

##### Šta HYPERIL PLUS® sadrži?

**HYPERIL PLUS® tablete (10+12,5) mg:** 1 tableta sadrži 10 mg lizinopрила u obliku lizinopril dihidrata + 12,5 mg hidrohlorotiazida kao aktivne supstance

Pomoćne supstance: manitol, kalcijum hidrogenfosfat dihidrat, povidon, preželatizirani kukuruzni škrob, natrijum lauril sulfat, kroskarmeloza natrij, magnezij stearat.

**HYPERIL PLUS® tablete (20+12,5) mg:** 1 tableta sadrži 20 mg lizinopрила u obliku lizinopril dihidrata + 12,5 mg hidrohlorotiazida kao aktivne supstance

Pomoćne supstance: manitol, kalcijum hidrogenfosfat dihidrat, povidon, preželatizirani kukuruzni škrob, natrijum lauril sulfat, kroskarmeloza natrij, magnezij stearat, mikrokristalna celuloza, titanium dioksid (E171), željezo oksid smeđi (E172)

**HYPERIL PLUS® tablete (20+25) mg:** 1 tableta sadrži 20 mg lizinopрила u obliku lizinopril dihidrata + 25 mg hidrohlorotiazida kao aktivne supstance

Pomoćne supstance: manitol, kalcijum hidrogenfosfat dihidrat, povidon, preželatizirani kukuruzni škrob, natrijum lauril sulfat, kroskarmeloza natrij, magnezij stearat, mikrokristalna celuloza, titanium dioksid (E171), željezo oksid crveni (E172)

##### Kako HYPERIL PLUS® izgleda i sadržaj pakovanja?

Kutija sa 30 (3x10) tableta (okruglog oblika, bijele boje sa diobenom crtom na jednoj strani) od 10 mg lizinopрила u obliku lizinopril dihidrata + 12,5 mg hidrohlorotiazida u blister pakovanju.

Kutija sa 30 (3x10) tableta (okruglog oblika, svijetlo smeđe boje sa diobenom crtom na jednoj strani) od 20 mg lizinopрила u obliku lizinopril dihidrata + 12,5 mg hidrohlorotiazida u blister pakovanju.

Kutija sa 30 (3x10) tableta (okruglog oblika, svijetlo roze boje sa diobenom crtom na jednoj strani) od 20 mg lizinopрила u obliku lizinopril dihidrata + 25 mg hidrohlorotiazida u blister pakovanju.

**PROIZVOĐAČ** (administrativno sjedište), **PROIZVOĐAČ GOTOVOG LIJEKA** (mjesto puštanja lijeka u promet) i **NOSILAC ODOBRENJA ZA STAVLJANJE LIJEKA U PROMET**

ZADA Pharmaceuticals d.o.o.

Donji Bistarac b.b.

75300 Lukavac

**ZADA**  
PHARMACEUTICALS

##### Režim izdavanja lijeka

Lijek se izdaje uz ljekarski recept

#### BROJ I DATUM RJEŠENJA O STAVLJANJU LIJEKA U PROMET:

**HYPERIL PLUS®**, tablete, 30 x (10 + 12,5) mg u kutiji: 04-07.3-2-4865/15 od 09.09.2015.

**HYPERIL PLUS®**, tablete, 30 x (20 + 12,5) mg u kutiji: 04-07.3-2-4866/15 od 09.09.2015.

**HYPERIL PLUS®**, tablete, 30 x (20 + 25) mg u kutiji: 04-07.3-2-4867/15 od 09.09.2015.

#### Datum zadnje revizije uputstva:

Septembar, 2015